

兩漢書疏證



兩漢書疏證



後漢書疏

證三十卷

光緒二十六年十
月浙江官書局刊

後漢書疏證卷一

吳 沈欽韓撰

列傳

齊武王續自稱柱天都部

按李實爲柱天將軍李通亦號柱國大將軍後魏爾朱榮遂踵其名爲天柱大將軍宇文泰因設八柱國後代遂爲勳官蓋伯升超於楚地楚有柱國官取其義爾都部猶都統宋將兵者因號都部署

留輜重於藍鄉

明史志鄧州新野縣東有故藍鄉

南渡潢淠水

水經注赭水參差流結兩湖有東陂西陂之名二湖流注合爲黃水逕棘陽縣之黃淠聚又謂之黃淠水一統志赭水自裕州西南流經唐縣西爲黃水

臨淠水

按南陽郡比陽縣應劭曰比水所出縣從水得名則淠當爲淠作泚者誤

東海王彊女泚陽公主書中亦皆誤作泚

呂覽處方篇齊

令章子將與荆人夾泚水而軍泚亦訛泚卽此水也明

統志比水源出南陽唐縣大胡山

山在泌陽縣境東北七十里

一名

馬仁陂乃聚澤也溉田萬頃

按水經注比水右會馬仁陂水水出無陰縣北山則

水非馬
仁陂

一統志泚水亦名泌水源出泌陽縣東六十里
之銅山西南流逕縣南又逕唐縣西北曰唐河又經新
野縣東入清水按明志大壺山泚水所出銅山泌水出
焉其說異者考水道提綱泌河有兩源南源出泌陽東
與確山縣西界之銅山西流數十里北源出縣東北之
大胡山西流泌陽縣城南志家偏舉其一故有大胡山
銅山之異其流則一也

至宜秋

明志古宜秋聚在南陽府桐柏縣西一統志在唐縣東
南

後漢書正言卷一
畫伯升像於塾旦起射之

按塾鄉亭所治處也吏民投最故畫其象使人人得射
之食貨志里胥坐右塾隣長坐左塾周官里宰疏漢時
在街置室檢彈一里之民卽此塾也他書作埽者非

爲天下準的

文子上德篇質的張而矢射集

張卬拔劒擊地

東觀記馬武王匡以爲王莽未滅不如且稱王張卬拔
劒擊地曰稱天公尙可稱天子何爲不可於是諸將軍
起

試守平陰令

潛夫論三式篇列侯年世以來宜皆試補長史墨綬以

上關內候補黃綬唐會要郡王出閣皆補州別駕玄宗為臨

淄郡王官若嗣王初試官府參軍冊府元龜六十貞元十三年宗正卿奏簡

王府諮議參軍嗣寧王子澈葬請鹵簿宰臣等議以子澈官卑不合給特詔令給此傳章由齊

王試令其濫觴也

利侯剛

通志利城在青州府博興縣東南四十里

太姬宗

西京制諸侯王母皆稱太后東京制損於前則宜稱太

妃傳中皆作太姬宋書后妃傳廢帝卽位上陳太妃尊

號曰皇太妃改諸國太妃曰太妃如音怡集韻姬或作妃

姬盈之切讀作怡者是也北齊書恩倖傳穆提婆母令

萱號曰太姬則南北朝皆有太姬之稱唐宋遂別爲儀

字王建宮詞云太儀前日煖房來李燾續通鑑長編一百

一明道元年十月加贈鎮王元儼母昭媛王氏爲太儀

卽太姬也

徙丹陽

按丹陽有三漢諸侯王以罪廢徙或房陵或丹陽此楚

之丹陽也楚丹陽亦有二一爲熊繹始封之丹陽在秭歸一爲楚徙都之丹陽在枝江水經注可證

注以爲潤州江寧者非新唐志至德二載別置昇州以江寧縣屬

甫刑三千莫大不孝

呂氏孝行覽商書曰刑三百罪莫重於不孝

北海靖王興字嫺都

袁紀作歸都

幼時進趣之行也

燕策蘇代曰今臣爲進取者仁義者自完之道非進取之術也進趣義同

令作草書尺牘

張懷瓘書斷章草者漢黃門令史游所作也衛恆李誕並云漢初有草法不知其誰王愔云漢元帝時史游作急就章解散隸體兼書之漢俗簡惰漸以行之此乃存字之梗概損隸之規矩縱任奔逸赴速急就因草創之義謂之草書北海王陸此開創草書之先也至建初中杜度善草見稱於章帝詔使草書上奏魏文帝亦令劉廣通草書上事蓋因章奏後世謂之章草

注 臨邑縣屬東海

漢志屬東郡此誤舊唐志臨邑縣屬齊州注云濟州亦誤舊志臨邑故城在今濟南府臨邑縣北三十五里

斟鄉侯

一統志廢斟縣在萊州府濰縣東

普立七年

何焯校宋本作十七年錢大昭補表亦從永初元年數至延光二年爲十七年

駒駘自造賦頌書論四篇

文選注引劉駒駘郡太守箴

趙王良傳十三年降爲趙公

按史于傳失載復爵爲王事光武紀十三年降趙齊魯三國王爲公十九年進趙齊魯三國公爲王始降王爲

公者方革更始所封王故趙齊魯隨降復皇子從公進王故並復也

南陽程堅

御覽

四百一十一

魏略曰程堅字謀甫南陽人居貧以磨鏡給

養母喪哀號慙下有馬每聞堅哭輒淚出暫輟芻草然魏略傳其人疑非此程堅也又四百二十五典略曰程堅仁孝清潔不受人施諸嫗與漂更相呼食或不食者相謂曰汝非程謀甫何爲不食人食

建安十八年徙封博陵王

魏志建安十八年以冀州十郡封曹操爲魏公趙國在

封內故徙封

以爲崇德侯

卽魏志所稱名號侯也裴松之曰今之虛封蓋自此始

城陽王社徙封南陽之白水鄉

水經注漢元帝以長沙卑濕割蔡陽之白水上唐二鄉爲舂陵縣寔字記故城在今隨州棗陽縣東

敞族兄安眾侯劉崇

按王子侯表康侯丹子節侯山拊子繆侯毋妨子釐侯褒子侯歎子侯崇崇于敞爲族子非族兄

又不得官爲吏

官當作宦

泗水
王歙堂谿侯

一統志堂谿城在汝寧府西平縣西北百里

邙侯

一統志邙縣故城在襄陽府宜城縣東北

曲陽侯

一統志曲陽故城在海州西南寰宇記在朐山縣西南

一百十里

更封茂爲穰侯

按記云以茂爲單父侯熊方補表云從單父更封穰侯

當是

宜春侯

一統志宜春故城今袁州府宜春縣治

安成侯
安成侯

一統志安成故城在汝寧府汝陽縣東南

嵩爲白牛侯

水經注湍水逕穰縣故城北又東過白牛邑南建武中

封劉嵩爲侯國鄧州志今爲白牛店在鄧州東北三十

里

成武侯
成武侯